


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehendu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina, Minggu enda eme Minggu Epipantias IV, ija kemulian Dibata teridah i bas kegeluhen manusia. Kita enda me surat ni Kristus, si idilo guna ncidahkan kemulian Dibata e arah perukuren, pengerana, pendahin ras perbahanenta nandangi temanta manusia. Kita i pehaga Dibata alu makeken kita selaku pribadi bage pe perpulungen jadi inganNa encibalken pasu-pasuNa, dengen jadi dalan Dibata mereken pasu-pasuNa man doni enda. Mari dage kita ersembah man Dibata i bas kebaktin enda.

Erkata Lonceng

(Perp. Tedis)

Rende

KEE No. 363 : 1, 2, 3

(Serayan Kebaktin Bengket Ku Mimbar)

Kebaktin Minggu, 02 Februari 2025
Minggu Epiphany IV / Dibata Mpetandaken DiriNa

3	Votum – Salam <i>(Perp. Tedis)</i>
L	I bas gelar Dibata Bapa, si nepa doni enda alu kiniulin, i bas gelar AnakNa Jesus Kristus si ngajarken kekelengen man banta, ras i bas gelar Kesah Si Badia si nuratken kerna peraten Dibata i bas pusuhta. Meriahlah ukurta si ngidah kemulian Dibata i bas geluhta janah sincidahken kemulian e i bas kegeluhen si teptep wari. Damelah si kerajangenta si reh ndahi Tuhan. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Andiko, mejin me tuhu Dibata tupung ia ndarat i bas inganNa nari. Dibata nu Israel mereken man bangsaNa gegeh ras kuasa. Pujilah Dibata!” (Masmur 68 : 36). Erpalasken Kata Dibata enda, sipuji IA alu radu ras kita rende KEE No. 196 : 1, 2, 3
5	Pujin man Dibata Si Mereken KemulianNa I bas Manusia <i>(Perp. Kundul)</i>
L	Kemulian Dibatanta teridah i bas kerina tinepaNa. IatankenNa pe kita ngaloken kemulianNa erkiteken mehaga kal kita i lebe-lebeNa. Terpujilah Tuhan rasa lalap.
P	<i>Muliakenlah o tendingku, muliaken Tuhan Dibata, o tendingku. Muliakenlah, muliakenlah, muliaken Tuhan o tendingku.</i> <i>(KEE No. 358, iendeken iulih-ulih)</i>
L	Keleng ate Dibatanta teridah arah Jesus Kristus, si la mpertahanken kinihagaan ras kebayakenNa, tapi ipehagaNa kita alu keteruken ukur, kemusilen ras kematenNa. Terpujilah Tuhan rasa lalap.
P	<i>Muliakenlah o tendingku, muliaken Tuhan Dibata, o tendingku. Muliakenlah, muliakenlah, muliaken Tuhan o tendingku.</i> <i>(KEE No. 358, iendeken iulih-ulih)</i>
L	Keleng ate Dibatanta teridah arah IA makeken kita jadi dalamNa nehken pasu-pasuNa man doni enda. Terpujilah Tuhan rasa lalap.

P	<i>Muliakenlah o tendingu, muliaken Tuhan Dibata, o tendingu. Muliakenlah, muliakenlah, muliaken Tuhan o tendingu. (KEE No. 358, iendeken iulih-ulih)</i>
6	Kinata Kegeluhen Manusia
L	Nginget keleng ate Dibata simpehaga, sinegu-negu dengen sinebusi kita, marilah sigargari pusuh i lebe-lebe Dibata. <i>(Paksa Teneng)</i>
L	O Tuhan, kemulianNdu lanai teridah i bas kegeluhen kami. Biak-biak si mehuli si nggo isuankeNdu bas kami la turah. Perbahanen kami lanai nuduhken kami anak-anakNdu.
P <i>Rende</i>	O Tuhan, ngaku kami kerna kesalahen kami, alemi min salah kami. O Tuhan, O Tuhan, alemilah O Tuhan, O Tuhan, alemilah <i>(iendeken)</i>
L	Kegeluhen kami si dem alu biak-biak si jahat naluken biak-biak si mehuli si enggo isuratkeNdu bas pusuh kami. Gedap kami i bas dosa si erbahanca kami mbiar jumpa ras Kam selaku Bapa. Megati kebiaren ngeliami kegeluhen kami, serko i bas pusuh kami si erbahanca la terbegi soraNdu si ngelebu kami mulih kempak kiniulinNdu.
P <i>Rende</i>	O Tuhan, ngaku kami kerna kesalahen kami, alemi min salah kami. O Tuhan, O Tuhan, alemilah O Tuhan, O Tuhan, alemilah <i>(iendeken)</i>
Mamre	O Tuhan ngaku kami kerna kinilangasupen kami jadi suratNdu i bas gereja, rumah tangga ras masyarakat. Kiniganjangen ukur kami erbahanca salih rupaNdu si melias i bas kami jadi ayo simerawa. Megati ipentingken kami kesenangan rikutken doni enda asangkan persadan kami ras Kam. Si e erbahanca papak kami i bas kerina dahin siialoken kami. O Tuhan, alemi min kami.
Moria	O Tuhan mbiar kal kami ndalani doni si bagenda beratna. Segedang wari kuskas kami guna kebutuhen kami si erbahanca lanai dat kami keriahen ukur. Kesibuken dahin kami erbahanca lupa kami kerna kewajiben kami ncidahken tempasNdu si lit i bas kami i bas perbahanen kegeluhen i doni enda. O Tuhan sampati min kami.

<p>Permata</p> <p>L</p>	<p>Selaku anak-anak gereja, kami pe megati la ncidahkan kemulian Tuhan. Usuren kami italuken kiningudan kami si dem alu sura-sura doni enda. Kiniganjangen ukur kami encedai kiniteruken ukur si enggo icidahkeNdu man kami, si erbahanca geluh kami lanai meherga. Tuhan kelengi lah kami.</p> <p style="text-align: center;"><i>(Paksa Teneng)</i></p> <p>Guna tole nggejapken dosa-dosanta, rende kita i bas : KEE No. 362 : 1, 2, 3</p>
<p>7</p>	<p>Padan Dibata Man Kalak Si Ngakuken Dosana Iadepen Dibata <i>(Perp. Tedis)</i></p>
<p>L</p>	<p>Selaku persuruhan Dibata, aku nehken kataNa man banta si ngakuken dosanta, niNa :</p> <p><i>“Marilah kam kerina, mulihlah man bangKu. La ateKu kam nggeluh i bas dosa. Kam me anak-anak si Ku kelengi. Tedeh kel ateKu kam reh man bangKu guna ngakuken dosandu, gelah banci Kubersihkan TempasKu si lit i bas kam bagi Aku ndube nepa kam. I bas kam enggo ngakuken dosaNdu Kualemi ras Kubereken mulihi kepercayaan man baNdu, Kusalihken kebiarenndu jadi keriahen ukur” Amin.</i></p> <p>Erkitekten dosanta enggo ialemi, mari sipuji Tuhan alu ngendeken : KEE No. 110 : 1, 2, 3</p>
<p>8</p>	<p>Kata Dibata <i>(Perp. Kundul)</i></p>
<p>a</p> <p>4:1</p> <p>L</p> <p>4:2</p> <p>P</p>	<p>Marilah sibegiken Kata Dibata si man ogenken ibas Minggu enda sini ibuat ibas Kitab Ulangen 4 : 1 - 10. Mari siogeken secara pegancih. Sibenaken pengogenta</p> <p style="text-align: center;"><u>Isuruh Musa bangsa Israel gelah patuh man Undang-undang Dibata</u></p> <p>Kenca bage ngerana Musa man bangsa Israel, “Ikutken Undang-undang si kuajarken enda, maka kam banci nggeluh ngiani negeri si ibereken TUHAN, Dibata nu nini-ninindu man bandu.</p> <p>Sitik pe ola tambahi, sitik pe ola kurangi kai si kuperentahkan man bandu. Ikutken lah perintah-perintah TUHAN Dibatandu si enggo kubereken man bandu.</p>

<p>4:3 L</p> <p>4:4 P</p> <p>4:5 L</p> <p>4:6 P</p> <p>4:7 L</p> <p>4:8 P</p> <p>4:9 L</p> <p>4:10 P</p>	<p>Enggo kap idahndu jine, kai si ibahan TUHAN Dibatandu i Deleng Peor. IkernepenNa kerina kalak si nembah man Baal i jah,</p> <p>tapi ise kam si setia man TUHAN Dibatandu, nggeluh denga seh genduari.</p> <p>Enggo kuajarken man bandu kerina Undang-undang bagi si isuruh TUHAN Dibatanku man bangku. Ikutkenlah Undang-undang e i negeri si nandangi iperang ras iinganindu.</p> <p>Tutuslah atendu ngikutken Undang-undang e, sabap e kap ncidahkenca man bangsa si deban kuga pentarna kam. Kenca ibegina kerina Undang-undang enda, tentu nina, ‘Seh kal pentarna ras beluhna bangsa si mbelin enda!’</p> <p>Bangsa si deban, amin kuga gia belinna bangsa e, la lit kerembakenna ras dibatana bagi kerembakenta ras TUHAN Dibatanta, tep-tep kali ia erlebuh man dibatana e. Isampatina kita sanga kita perlu penampat.</p> <p>La lit bangsa si apai pe, amin kuga gia belinna bangsa e, si lit undang-undangna si seri adilna bagi undang-undang si kuajarken man bandu wari enda.</p> <p>Metengetlah! Tetapkenlah i bas ukurndu maka kidekah kam nggeluh la kam lupa kejadi si enggo idahndu alu matandu jine. Turikenlah man anak-anakndu, ras man kempu-kempundu</p> <p>kerna wari tupung kam i adep-adepen TUHAN Dibatandu i Deleng Sinai, sanga TUHAN ngerana man bangku, ‘Pepulung bangsa enda. Ibegikenna ateKu kai si Kukataken, gelah erlajar patuh ia nandangi Aku kidekah geluhna, gelah iajarina anakna pe mbiar man bangku.’</p>
	<p>Ketuahen kalak si megiken Kata Dibata, dengen si makekenca ibas geluhna si teptep wari. Haleluya.</p> <p>Ialoi perpulungen alu ngendeken :</p> <p><i>Haleluya ... Haleluya ... Haleluya</i></p>

b	Ertoto guna Khotbah
c	Khotbah : Epesus 4 : 20 - 32. Tema : “Tetap Make Manusia Si Mbaru”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>Sibegiken Kata Dibata si jadi palas man banta guna ngataken bujur : <i>“Sabab bage pengkelengi Dibata doni enda, e maka iberekenNa AnakNa Sitonggal, gelah ola bene isie pe si tek man Bana, tapi gelah dat kegeluhen si tuhu-tuhu si la erkeri-kerin”</i> (Johanes 3 : 16).</p> <p>Tupung sisehken persembahenta, ras kita rende i bas : KEE No. 302 : 1, 2, 3</p> <p>Pertoton Persembahen ras Syafaat KEE No. 299 : 1, 2 <i>(Pelantikan)</i></p> <p>KEE No. 343 : 1, 2, 3 <i>(Kolekte ku depan)</i></p>
11	Perpadanen Man Dibata <i>(Perp. Tedis)</i>
L	Kesah Si Badia enggo nuratken peraten Tuhan i bas pusuhndu, uga dage perbahanenndu ?

P	Ateku njaga surat e i bas diri, perukuren ras perbahanenku. Kucidahken me Berita e man doni enda, gelah ermulia i lebe-lebe Dibata.
L	Dibata Bapanta ngangkat kam jadi anakNa, janah enggo mbersihkan kam alu darehNa, gelah banci kam meherga i adep-adepenNa. Uga dage nindu ?
Mamre	Selaku Iman keluarga ateku ncidahken perbahanen si mehuli alu nehken kekelengen Dibata ku sekelewet. Em tandana aku enggo itebusi.
Moria	Ateku tetap erpengendes man Tuhan rasa lalap, janah kucidahken kemulian Dibata i bas kerina dampar geluhku.
Permata	Aku erpadan guna mpersembahkan kula, ukur ras tendiku jadi perkakas Dibata si engkelengi aku gelah teridah kemulian Tuhan i bas kiningudanku.
L+P	Tek kami o Tuhan adi kerina kami tetap ernalem man baNdu, la banci kami kemalun i bas doni enda.
L	Guna mpeteguhi perpadanenta man Dibata, rende kita arah : KEE No. 460 : 1, 2, 3
12	Pertoton Tuhan
13	Pengutusen Ras Pasu-Pasu Dibata
L	Bengketlah ku bas kegeluhendu si tep-tep wari. Cidahkenlah maka kam surat ni Kristus radu ras kemulianNa ku tengah-tengah doni enda. Guna si e alokenlah pasu-pasu idur Dibata nari : <i>“kekelengenKu la ersibas ngarak-ngarak geluhndu. Kukawali kam, Kupegegehi ras Kupasu-pasu me kam si ndalanken si ngena ateKu. Aku njamin ras nikapken keperluanndu. La kam kekurangan janah aku tetap ras kam seh ku kedungen jaman”</i> . Amin.
	Ialoi perpulungen alu ngendeken : A min A min A min
	<i>SELAMAT WARI MINGGU/SYALOOM.....</i>